

աշխատութեամբ եւ բազմախնդիր ուզմամբ ի բազում տեղաց եւ գաւառաց ժողովեալ հաւաքեաց ի մի, յոյժ փարթամ եւ հարուստ: Բայց կատարեցաւ սա ի մեծ թվիս Հայոց ՌԾՂերրորդի եւ ի յամսեանն օգոստոսի ԻԸ, ի հայրապետութեան տէր Մէլքիսէթի եւ ի բունակալութեան սուլթան Ահմատի, ի մայրաքաղաքն Կոստանդնուպոլիս, ընդ հովանեաւ սրբոյն Սարգսի զօրավարին եւ որդոյն նորա Մարտիրոսի, ի դառն եւ անբարի ժամանակս, որ դերի եւ ի սուր վարեցաւ ազգս Հայոց, եւ բուն հայրենիքն մեր ի կոր կործանեցաւ մինչեւ ի սպառ, զոր ի յառաջբանի ծանիցես զլիակատար բանս ազգտիս մերային սեռիս՝ ասացեալ ի Աղարիայէ ոտանաւորիւ տաղով: Արդ երես անկեալ ազաջեմ զհանդիպողսդ յայս սուրբ կտակիս եւ հոգելի բուրաստանիս, որ գրեցաւ ի լաւ եւ յընտիր օրինակէ: Յորժամ կարդայք կամ օրինակէք կամ թէ հարեւանցի անցանէք, յիշէք ի բարի ազօթս ձեր զվերոյասացեալ տէր Աղարիայ աշակերտն եւ քաջ եւ արի, հմուտ եւ ճարտար իմաստակն, որ էր լցեալ աստուածաշունչ գրովք, հին եւ նոր կտակարանօք. որ ոչ զեպերէր ի զբազմունս եւ ի ցնորս անցաւորիս, այլ միշտ եւ հանապաղ պարապէր ընդ աստուածայինս, լինելով օրինակ բարի եւ ազ համեմիչ անհամացեալ մարդկան սեռիս, առնելով եւ ուսուցանելով ըստ Աւետարանի բանին, թէ Որ արասցէ եւ ու-